



TOSHKENT HAQIQATI

1928 yil 11 dekabrda asos solingan

Тақдимот



ИСТИҚБОЛЛИ ЛОЙИХАЛАР АМАЛИЁТИ

Вилоят ҳудудида амалиётга татбиқ этиш кўзда тутилаётган ҳар битта лойиҳани мутасадди ва масъуллар иштирокида атрофлича ўрганиш ва таҳлил қилиш яхши анъанага айланди. Мақсад – уларнинг ҳаёт билан уйғунлиги ва аҳоли хоҳиш-иродасига мослигига эътибор қаратиш, энг муҳими, хатолардан имкон қадар ҳоли бўлишига эришишдир.

Тошкент вилояти ҳоқими вази- шу анъанага мувофиқ, ҳудудларда сини бажарувчи Зойир Мирзаев ана амалга оширилиши лозим бўлган

бир қатор қишлоқ ҳўжалиги ва экологияга доир лойиҳалар билан танишди.

Дастлаб мутахассислар томонидан чиқиндиларни бошқариш соҳасида давлат хусусий шериклик лойиҳаси ҳақида маълумот берилди. Асосий мақсад қаттиқ маиший

чиқиндиларни йиғиш ва олиб чиқиш кетиш тизимини такомиллаштириш, ҳудудлар ободлигига самарали ҳисса қўиши, жойларда санитар-экологик муҳитни яхшилашга эришишдир. Бироқ, сўнгги пайтларда жойларда бу борадаги ишлар етарлича қамраб олинмаяпти.

(Давоми 2-саҳифада) ▶

Халқ депутатлари Тошкент вилояти Кенгашининг ҚАРОРИ

ХАЛҚ ДЕПУТАТЛАРИ ВИЛОЯТ КЕНГАШИ ДЕПУТАТЛАРИНИНГ ВАКОЛАТИНИ МУДДАТИДАН ОЛДИН ТўХТАТИШ ТўҒРИСИДА

Ўзбекистон Республикаси Сайлов кодексининг 90-моддасига асосан:

Халқ депутатлари вилоят Кенгашига сайланган депутатлар ижро этувчи ҳокимият органларига ишга ўтганлиги муносабати билан уларнинг депутатлик ваколати муддатидан олдин тўхтатилиши лозим.

Халқ депутатлари вилоят Кенгашига сайлов ўтказувчи вилоят сайлов комиссияси 28-сайлов округидан сайланган депутатнинг депутатлик ваколати муддатидан олдин тўхтатилиши тўғрисида қарор қабул қилди.

Шунингдек, Ўзбекистон Республикаси Сайлов кодексининг 42-моддасига асосан 17-сайлов округидан сайланган, 21-сайлов округидан сайланган, 47-сайлов округидан сайланган ва 52-сайлов округидан сайланган депутатларнинг депутатлик ваколатини муддатидан олдин тўхтатиш тўғрисида берган аризасига асосан уларнинг ҳам ваколатини муддатидан олдин тўхтатиш таклифи киритилмоқда.

Ўзбекистон Республикаси Сайлов кодексининг 42- ва 90-моддаларига асосан Халқ депутатлари Тошкент вилоят Кенгаши ҚАРОР ҚИЛАДИ:

1. Ўзбекистон Республикаси Сайлов кодексининг 90-моддасига асосан:

28-сайлов округидан сайланган депутатнинг Халқ депутатлари вилоят Кенгаши депутатлик ваколати муддатидан олдин тўхтатилсин.

2. Ўзбекистон Республикаси Сайлов кодексининг 42-моддасига асосан:

21-сайлов округидан сайланган, 47-сайлов округидан сайланган ва 52-сайлов округидан сайланган депутатларнинг депутатлик ваколатини муддатидан олдин тўхтатиш тўғрисида берган аризасига асосан уларнинг ҳам ваколатини муддатидан олдин тўхтатиш таклифи киритилмоқда.

3. Ўзбекистон Республикаси Сайлов кодексининг 93-моддасига асосан бўшаб қолган 10, 17, 21, 28, 47, 52-сайлов округларида Халқ депутатлари вилоят Кенгаши депутатлигига сайлов 2022 йил 17 апрель (якшанба) куни ўтказилсин.

4. Вилоят молия бошқармаси (О. Халиқов) сайлов ўтказиш билан боғлиқ харажатларни тегишли тартибда молиялаштирилишини таъминласин.

5. Вилоят сайлов комиссияси Ўзбекистон Республикаси Сайлов кодексини талабларига асосан Халқ депутатлари вилоят Кенгаши депутатлигига сайлов ўтказишни таъминласин.

Халқ депутатлари
вилоят Кенгаши раиси ўринбосари
2022 йил 15 март
Р. ТУРДИБОЕВА

Офарин!



ЧИНОЗЛИК БОКСЧИ ОСИЁ ЧЕМПИОНИ

Иорданиянинг Амман шаҳрида бокс бўйича ўсмирлар ва ёшлар ўртасида Осиё чемпионати ўз ниҳоясига етди.

Даставвал, 13 март куни ўсмирлар ўртасида ҳамюртларимиз 11 олтин, 6 та кумуш, 6 та бронза билан жами 23 медалга эга чиқиб, умумжамоа ҳисобида биринчи ўринни эгаллашди.

14 март куни бўлиб ўтган ёшлар ўртасидаги финал баҳсларида ҳам боксчиларимиз 9 та олтин, 10 та кумуш ва 4 та бронза медал билан барча давлатлар вакиллари ортида қолдирган ҳолда ғолиб бўлишди. Шу тариқа,

мусобақада 49 нафар боксчи билан иштирок этган Ўзбекистон делегацияси яқунда 46 та медални қўлга киритди.

Улар орасида вилоятимиз вакили Чиноз тумани халқ таълими бўлими тасарруфидоги 1-ИДУМ ўқувчиси Жафарбек Шаҳбозов -70 кг. вазн тоифасида рақиб устидан галаба қозониб, олтин медал соҳиб бўлди.

КАСБИ БОРГА-ИШ ҲАМ ТАЙИН

Бекобод туманидаги касб-хунарга ўқитиш марказини қисқа фурсатда 1 минг 531 нафар ўқувчи тамомлади.

Бандлик



Жорий йилнинг 1 март куни хотин-қизларни қўллаб-қувватлаш тизими ҳамда уларнинг жамиятдаги мавқеини янада мустаҳкамлаш масалалари бўйича ўтказилган видеоселекторда давлатимиз раҳбари мактабда ўқитган қизлар ва маҳалладаги аёлларнинг касб-хунарга эгаллаши учун зарур шароитлар яратилиши кераклигини таъкидлаган эди.

2 ▶

МАДАНИЙ МЕРОСНИ АСРАШ – БУРЧИМИЗ

Маданий мерос агентлиги директорининг биринчи ўринбосари Т. Кузиев ҳамда Тошкент вилояти Маданий мерос бошқармаси бошлиғи М. Исроилов хизмат сафари билан Эрон Ислום Республикасида бўлиб туришди.

Ҳамкорлик

Сафар чоғида вакилларимиз Иқтисодий Ҳамкорлик ташкилоти Маданият институти раиси Сарвар Бахти билан учрашди.

Учрашувда икки томон ўртасида маданий меросни асраб-авайлаш соҳасидаги ҳамкорлик фаол ривожланаётгани алоҳида таъкидланди.

Давра суҳбати доирасида Ўзбекистонда маданий мерос объектларини муҳофаза қилиш ва улардан фойдаланиш борасида амалга оширилатган ишлар, соҳани ривож-



лантириш мақсадида қабул қилинаётган қонун ҳужжатларининг мазмун-моҳияти ҳақида сўз юритилди.

Бир мурожаат изидан

Муаммолар қачон ечим ТОПАДИ?

Ёҳуд ичимлик суви, пой йўллари, қайтариб олиб кетилган симёғочлар...

Яқинда таҳририятга Тошкент вилояти Бука туманидаги "Бустон" маҳалла фуқаролар йиғини Суғдиёна кўчасида яшовчи фуқаролардан мурожаат келди. Унда маҳалланинг мазкур ҳудудида кўп йиллардан бери йиғилиб қолган муаммоларни бартараф этишда ёрдам сўралган.

Мурожаатни жойида ўрганиш учун маҳаллада бўлиб, аҳоли билан суҳбатлашдик. Шу маҳаллада яшовчи Музаффар Жабборовнинг айтишича, бу ерлар авваллари "Самғаровул" маҳалласи дея номланган. Ҳозирда 300 нафар аҳоли, 40 та хонадон мавжуд.

Суғдиёна кўчаси йўллари бир неча йиллардан буён таъмирталаб ҳолга келиб қолган. Ёзда чанг кўчалар қишда пой бўлиб кетиши туфайли аҳоли, айниқса, кексалар, аёллар ва болалар ўқишга, ишга қатнашга қийналади.

2017 йилда 1 минг 600 метрдан ортиқ йўллари маҳаллада дошлар ўзлари таъмирлашга ҳаракат қилган.

ВИЛОЯТ БўЙЛАБ

Республика Маънавият ва маърифат маркази **ТОШКЕНТ** вилояти бўлими ташаббуси билан 250 нафар фаол аёллар Ўзбекистон давлат драма театрида маданий хордик чиқаришди. Улар учун атоқли адиб Чингиз Айтматовнинг "Жамила" қиссаси асосида саҳналаштирилган спектакль намойиш этилди.

ТОШКЕНТ тумани "Оқибат" маҳалла фуқаролар йиғини янги бинога эга бўлди. Бинода маҳалла раиси, ҳоким ёрдамчиси, ёшлар етакчиси, профпактика ноҳири ва маҳалла қошида тузилган кенгаш аъзолари учун алоҳида хоналар, шунингдек, турли тадбир ва учрашувлар ташкил этишга мўлжалланган мажлислар зали ҳам бор.

БЕКОбОД шаҳар ҳокимлиги вакиллари ҳамда Ободонлаштириш бошқармаси томонидан Мўйноқ туманининг "Тик Узак" ОФЙ ҳудудидаги "Улуғ мақсад" кўчаси йўлакларига ўриндиқлар ўрнатилди.

НУРАФШОН шаҳар "Чиғирик" маҳалла фуқаролар йиғинида бир ҳафта мобайнида 4 та хонадонга имтиёзли кредит берилди. Қўйчилик, компьютер хизмати кўрсатиш, қизил ёмғир чувалчангини қўлайтириш йўналишида тадбиркорлик фаолиятини бошлаш мақсадида мурожаат қилган фуқароларга имтиёзли кредитлар ажратилиб, бандлиги таъминланди.

Мудофаа вазирлигига қарашли Ахборот-коммуникация технологиялари ва алоқа харбий институтида **ЗАНГИОТА** тумани халқ таълими, Ёшлар ишлари агентлиги бўлими ҳамкорлигида таълим муассасалари ўқувчилари ҳамда уюшмаган ёшларнинг бўш вақтини мазмунли ташкил этиш мақсадида "Ватанпарварлар" харбий спорт мусобақалари ўтказилди.

Яқунда ғолиб ва иштирокчилар диплом, фахрий ёрлик ва эсдалик совғалари билан тақдирланди.

ҚИБРАЙ туманининг Май қишлоғи ҳудудидаги Мудофаа вазирлигидан давлат захирасига қайтарилган 10 гектар ер майдони Тошкент вилояти экология ва атроф-муҳитни муҳофаза қилиш бошқармаси ҳузуридаги "Тоза Ҳудуд" давлат унитар корхонасига маиший чиқинди полигони ташкил этиш учун доимий фойдаланиш ҳуқуқи билан ажратиб берилди.

